



# Arubaanse Courant

Anja 25

DIALUNA 23 MAART 1934

No. 4994.

## MR. BIESHEUVEL TA INAUGURA AEROPUERTO DI ST. MAARTEN

ORANJESTAD, 23 maart,

Ariba invitacion di K.L.M. nos tabatin e oportunidad di presencia e inauguracion oficial di e edificio nobo, espacioso y bunita di e aeropuerto Prinses Juliana na St. Maarten. E inauguracion oficial a worde efectua door di vice-presidente di Hulanda, minister Biesheuvel, kende a corta un sinta den color di e bandera nacional, corra, blanco y blauw. E ceremonia a tuma lugar den e sala di entrada di e aeropuerto poco despues di yegada di e avion di K.L.M. cu e huespednan halto for di Corsow.

Haciendo uso di e invitacion di K.L.M. nos a bula for di Aruba pa Corsow, for di unda despues e blaha a sigui pa St. Maarten. Cu su conocido servicio di primera clase K.L.M. a percursa atrobe pa su huespednan y pasaheronan abordo. Promer cu sali da for di Corsow e tripulacion di e DC-6 "Bonair" a worde presenta na e pasaheronan, entre cual pareha Biesheuvel, Srs. A. Jonkers, director di e kabinete di ministro Biesheuvel, pareha E. Jonckheer, mr. E.J. van der Made, secretario di Raad di Ministranan. E tripulacion di e avion di K.L.M. tabata consis-

ti di gezagvoerder S. Van der Werf, segundo piloto J. Jekel, werktuigkundige (boord) H. Broere, purser M. Abraham y stewardess srta. Flores. Fuera di e vuelo magnifico, especialmente señor Abraham y srta. Flores a percursa pa e pasaheronan no tabata falta di nada. Deseonan tabata worde cumpli. Por ehemplo ariba e blaha pa St. Maarten, diferente di e pasaheronan a desea di mira Saba y St. Eustasius di aserca. Esaki cu gusto a worde cumpli door di gezagvoerder van der Werf. Poco promer cu yegada na St. Maarten el a cambia un rato di ruta, y e pasaheronan por a tira un bista ariba e bunita islanan Saba y St. Eustasius.

### Enorme interes.

Na e aeropuerto di St. Maarten tabata existi un enorme interes for di banda di publico. Tabata parse cu mitar di e poblacion di St. Maarten tabata na aeropuerto Prinses Juliana, pa asisti na e ceremonia di inauguracion di e edificio nobo.

Un steelband y un corps di musica a percursa pa e tononan alegre na e yegada di e avion cu e huespednan for di Corsow. Despues cu senjoranan Biesheuvel y Jonckheer a ricibi boeketnan di flor e personanan cu a caba di yega a dirigi nan mes pa e sala caminda e ceremonia lo tuma lugar.

### Inauguracion.

Como promer orador, gezaghebber di St. Maarten, J.J. Beaujon a jama tur e presentenan bon bini na e ceremonia. Siguiendo su speech el a conmemora e relacion estrecho entre e islanan di Antillas Hulandes y Hulanda. El a duna palabra di aprecio pa e blaha cu senor Biesheuvel y señora a haci pabishita St. Maarten y e otro islanan di "Ariba". Tambe palabra di bon bini da a worde dirigi na Srs. Jonckheer. Den su speech gezaghebber Beaujon tabatin hopi palabra di gradicimento pa tur esnan cu di un of otro manera a yuda den realisacion di e proyecto di aeropuerto. Entre otro na gobiernu di Hulanda y Antillas y tambe na e companianan di aviacion cu ta yudando desaroya turismo na e islanan Ariba. Tambe ministro president E. Jonckheer a dirigi palabraden cual el a repasa e desaroyo di e islanan Ariba en corto. El a duna su deseo cu e islanan lo sigui progresa. Terminando el a declara e edificio di aeropuerto di St. Maarten entrega oficialmente door di gobiernu di Antillas, na e gobiernu di St. Maarten. Despues cu tambe senor Claude Wathey, representante di islanan Ariba den Staten a dirigi palabra di gradicimento pa tur cu a yuda den e proyecto, ministro presidente Biesheuvel ariba invitacion di gezaghebber Beaujon a corta e sinta, haciendo asina e inauguracion oficial di e edificio. Despues e huespednan a pasa door di e edificio nobo bunita y espacioso. Den e sala di espera, un cocktail a worde ofreci. Despues di algun ora, ministro Biesheuvel y senjora tambe e otro huespednan halto a dirigi nan mes pa Little Bay Hotel caminda nan lo keda algun dia.

Banda di cinco 'or y mei e blaha pa Aruba cu "Bonair" a cuminsa atrobe. Purser Abraham y stewardess Flores, cu gusto atrobe a duna e mas o menos ocho pasaheronan bulando pa Corsow un prueba di e conocido y famo-



so servicio di K.L.M. Despues di un interrupcion na Corsow, caminda K.L.M. a percursa pa e stomanan bashi worde jena na abundancia den Aero Vista restaurant nos a regresa Aruba.

**FATUM** Tel. 1845  
pa tur bo aseguranan

### K.L.M. cu dos jet pa siman na Aruba

ORANJESTAD, 23 maart.- Ultimamente a worde anuncia, cu K.L.M. a dicidi pa cuminsa tan pronto posibel cu vuelonan di jet pa Aruba. Aki ta trata di e avion ariba vuelo for di Caracas pa New York cu lo pasa via Aruba; esun balendo y esun biniendo for di New York. E avion, un convair 880, lo baha diadomingo pa 10,05 y lo sali atrobe cuarenta minuut despues, mientras cu biniendo e ta baha 19,25 y ta sali atrobe cuarenta minuut despues.

Mr. B. Biesheuvel, ministro vice presidente di Hulanda, cortando e sinta, corra, blanco y blauw efectuando asina e acto oficial di inauguracion di e edificio nobo di aeropuerto Prinses Juliana na St. Maarten.

Mientras cu K.L.M. tin dos aterizahe di jetnan pa siman na Aruba e otro dos companianan lo tin mas. Trans Caribbean Airways lo tin uno caba diamars, diahuebs y diadomingo, esta tres blaha pa siman y Panam no menos cu seis blaha pa siman. Tur hunto tumá lo tin mas o menos 47 aterizahe di jet na Aruba den e lunanan venidero. K.L.M. ta tratando, esta si e pista di aterizahe di aeropuerto bin cla na tempo pa baha cu e promer jet na Aruba dia 5 di april. Si esaki no logra anto e promer jet di K.L.M. y na Aruba lo baha dia 12 of 19 di otro luna.

E edificio di aeropuerto Prinses Juliana na St. Maarten cual ultimamente a keda inaugura oficialmente pa ministro vicepresidente di Hulanda B. Biesheuvel. Manera nos por mira ariba e potret tabata reina un gran interes pa parti di e habitantenan di St. Maarten pa e ceremonia oficial di inauguracion di e bunita, espacioso y luhoso edificio.



SABOR CU NUNCA TA VARIA

IT NEVER VARIES.

# OCHO ANJA EXIHI CONTRA L. PA MATAMENTO

ORANJESTAD, 23 maart.- Un silencio grandi tabata reina den sala di husticia, diabierna msinta ultimo, na e momento cu officier di husticia, S.H. Tjong Ajong a pidi un castigo di prison di ocho anja contra di e Bonaireano M.L., kende ariba dia 24 di februari ultimo a hinka e homber Alberto Horacio Supriano di Corsow mata cu un solo hinka di cuchu grandi den su pecho. E abogado d. acusado, senjor Juan B. Wix, despues di un defensa extenso a pidi libertad completo pa su cliente. Huez J. v. Koot a priminti di duna sentencia aki na dos siman.

E acusado L. un Bonaireano di 51 anja, algun siman promer cu e dia fatal a topa cu Supriano pa di promer biaha den un bar, caminda Supriano sin mas a col dos florin largu di L. y a bai cu né. Acusado a mira Supriano atrobe, ariba e anochi di 24 di februari, ora cu Supriano a bin bati na su porta. Ora L. a habri porta y a mira cu ta Supriano, el a pidi esaki pa su dos florin.

Tuma bo dos florinnan? Supriano a bisa, dunando L., kende tabata basta burachi algun sla den cara. Den un luchamento cortico cu a sigui despues di e slanan, L. a logra saka Supriano for di den e porta di su cas y sera esaki na jabi. Sin perde tempo L. a bai pa su cushina caminda el a col un cuchu di tamaño basta formal. Ora cu el a drenta sala cu e cuchu el a mira cu Supriano tabata buscando manera di drenta den e cas door di un bentana.

El a bai ariba Supriano cu e cuchu den posicon y jeganda na e bentana e no a duna Supriano oportunidad pa drenta paden y a manda e cuchu den su pecho. Tabata un solo hinka, pero un formal di seis centimeter hancho y cinco centimeter hundo, cu dos ribchi corti, di tres mita corti y e ader di pulmon corti. E mes cuchu L. a saka for di e pecho di Supriano promer cu e saki a bira bai. El a laba e cuchu den cushina y a bolbe wardé. Poco despues Supriano a muri a consecuencia di e hinka. E buscamiento di e cuchu te den e cushina na un distancia di 14 meter for di e porta, huez Van Koot a yama un reaccion cu masha dificil por worde defendi.

"Pakiko bo no a pidi e otro hendenan den e cas pa yama polis?" of pakiko bo no a grita "auxilio?"

Tambe e huez tabata kier sabi ta kiko Supriano a bin haci e ora ey na cas di acusado. "Continuamente bo ta bisa cu bo no sabi esey, pero mi ta hanja esaki un contesta masha raro. E otro mester a bin pa algo otro", segun huez van Koot, cu a haci e remarca en relacion cu esaki, cu ta worde bisa cu e cas di L. ta un lugar sospechoso.

"Bo tin duele di loke bo ahaci?" huez a puntra.

## A.N.A.A.B. a tene reunion anual

ORANJESTAD, 23 maart.- Como a bira conoci cu den e asociacion di empleadonan a forma un grupo di oposicion bou direccion di sr. Julio Maduro, cual groep a bisa cu nan lo bay duna e directiva di e departamento Arubano di Algemeene Antillaanse Ambtenaren Bond bida nobo, e interese pa e reunion anual aki cu a tuma lugar diahuebs anochi, na Centro Cultural tabata masha grandi. A worde calcula un 157 miembros cu tabata presente. Sr. Maduro, kende junto cu algun amigos a pone nan mes como candidato contra, a trece dilanti algo, pero e resultado cu el a hanja tabata poco. Ningun di su candidatonan a alcanza e mesa berde durante e eleccion di directiva. Sin embargo e asociacion por a nota

"Ta duel mi", tabata un contesta cu un boz abao. "Pakiko bo a hinké? Tabata un otro pregunta."

"Pasobra mi a kere cu Supriano lo drenta."

"E ora bo a hinké, sin tabata sabi sigur, segun mi, bo a bai hopi leuw."

Despues cu dokter Ten Thije a testiga cu e hinká cu e cuchu mester tabata cu hopi forza, como cu e cuchu tabata stompi, pero ariba peticion di abogado Wix a bisa cu e cuchu a drenta den parti di e curazon como cu el a dalariba e wesu di pecho, palabra a worde duna na officier di husticia.

El a cuminsa cu muestra cu L. tabatin un rabia ariba Supriano como cu esaki sin pidié a laga cai cu dos florin di djé. Esaki a haci cu el a sinti su mes ofendi. Y segun e officier di husticia e bishita di Supriano e anochi ey na cas di L. no ta nada strango como cu e cas di L. ta conoci como un lugar caminda anochi, cuminda y hasta bebida ta worde bendi y cu fuera di senjora L. tin dos otro dama ta biba den e cas, pero cu cual segun officier di husticia e no kier bisa cu acusado tabata "duna oportunidad pa haci maldad". "Pero bon, L. ta bisa cu e no sabi kiko e otro abin haci na su cas, y mi kier yuda dunele e "Benefit of the Doubt. Despues officier a splica con Supriano no por a defende su mes na e momento cu L. a hinké. Pues Supriano tabata buscando manera di drenta paden y tabatin tur dos man na e bentana. Esun cu hinka un hende cu un cuchu asina y na tal lugar mester tin e intencion di mata". Officier a exhihi un castigo di ocho anja di prison contra di L. Bo no a duné bida, asina bo no mag kita bida tampoco, "segun officier a termina su pidimento fiscal.

Segun senjor Wix e acusado ta un homber semper calmo, mientras cu e victima tabata un homber fuerte, buscado di pleito hisado di peso. "Pa un delito di matamento ta exhibel e matamento ta tuma lugar intencionalmente. Pesel, ministerio publico

algun miembro nobo, gracias na su actividadnan.

Durante e eleccion di directiva a worde eligi of reeligi sres. G. Krist (accountantsdienst), K. Frans (D.O.W.), C. Brinkenberg (politie), P.G. Susebeek (griffie), H. Lopez en G. Figaroa (Eilandsontvangerskantoor). Esnan cu no a jega pa retira periodicamente tabata e miembronan di directiva J. Ruiz (Eilandsontvangerskantoor), K. Norder (Onderwijs) y S. Mars (Luchthaven). E puestonan di directiva lo worde parti pronto. No a worde nombra ningun presidente.

## Piet Groen a fallece

ROTTERDAM, 23 maart, Awe mainta a muri na Rotterdam na edad di 78 anja e pintor Ulandes Hendrik Piet Groen. Dia cu Piet Groen a cumpli 70 anja tabatin un exhibicion y recepcion den e Museo Bymans pe.

tin di prueba esaki. "Segun e abogado, e acusado no a hinka cu e intencion di mata, pero pa defende su mes. Segun su opinion prueba legal y segur no a worde duna di e matamento y pesel a pidi pa su cliente sali liber.

Den su contesta officier Tjong Ajong a muestra cu e atake a termina ora cu e porta a worde sera pa Supriano no drenta. Abogado Wix su contesta aki riba tabata "Bo ta kere cu ta acceptabel cu Supriano kende a mira L. sali for di cushina cu e cuchu na e distancia di 12 meter, a keda warda L. aserca trankilmente? No, e ora el a trata di drenta e cas mas liher cu ta posibel, locual no a logra."

Huez lo duna sentencia despues di dos siman.

## UN DAMA

di 21 anja  
ta busca trabao di  
cas pa henter dia  
y tambe pa keda  
drumi.

Dirigi carta na nos oficina,  
Nassaustraat 85, bou  
letter F.



## BOTICA ARUBA

Personal competente  
+ Maquinaria moderna  
= Servicio excelente.

Jama No. 1080 - 1081  
of 1180

y nos ta busca bo recept y  
entrega e remedi na bo cas.



WAAK  
BON  
PROME BO  
CUMPRAL

Un auto mancaron bo por cambla.....  
un sapato mancaron bo por cambla.....  
pero un vloer di mosaico mancaron si ta un problema grandi!  
Pesey waak bon prome cu bo cumpra.  
Nos ta spera bo na  
FABRICA DI MOSAICOS

## PICHARDO

Barbadoweg 8 - Portrero entrada Rondweg pariba di Aruba Gas Supply.

tel. 1673

Pa PASCU GRANDI  
nos a caba di ricibi:

## BISTIR PA DAMAS

den tur prijs



TAS, SAPATU, SOMBRE etc.

den un coleccion masha precioso

La Linda

BO TIENDA DI CCNFianza



## Bon oportunidad

\* Pa motibo di reorganizacion  
TA BENDE UN

## Voigtlaender Bessamatic

Cu: \* ZOOM-LENS 1:2.8 F-36MM  
te 82 MM.

- \* TAS DI CUERO MASHA LUJO
- \* UV-FILTER
- \* CAPA PA SOLO
- \* REENCHI PA ADAPTION

(prijs di tienda fl. 700.-- awor.....solamente fl. 285.--!)  
pa informacion acudi na:

„Arubaanse Courant“,  
Nassaustraat 85 - tel. 1116 - 2116

## Long John Whisky

This wonderful whisky is again available here. After patient aging and consummate blending of many of Scotland's finest malt whiskies, Long John brings delightful and regal flavour for your enjoyment.

SHOE  
REPAIRS

CHARLES  
BAARH JR.



servicio rapido y competente. Nos experencia ta bo garantia.

adres:  
Schoenmakersbedrijf,  
Charles B. Baarh. Jr.,  
Zandstr. No. 3 O'Stad (banda di Zepp Wever)

## AVISO

Commandante di marinierska zerne "Savaneta" Aruba ta duna di conocé cu dia 24 di maart 1964 for di 08.00 - 11.00'or lo tenejer ciclo cu mortier riba terreno di California Aruba.

Maximo altura di es projecto lo ta 1000 metros.  
E tereno peligroso lo word marca cu bandera corra y borchinan di aviso.

E terreno peligroso riba lama lo ta 3000 metros for di costa

NO KAP MATANAN, YA CABA TIN MASHA POCO!



# SAM JACOBS A LANZA NO HIT NO RUN CONTRA STO.DOMINGO

ORANJESTAD, 23 maart.- E serie di tres wega entre e novena campeon si Sto. Domingo, Barahona Azucarera Haina, y e seleccion local a cuminsa diabierna cu un triunfo di 4 carrera pa 0. Pa e novena Arubano tabata e lanzador Sam Jacobs, kende a lanza un no hit no run, loke indudablemente ta un gran hazanja. Cu gran variacion di lanzamentonan, usando su bola rapida mas cu ningun otro. Sam a sabi di domina e toletoronan dominicano por completo. Un total di 12 ponche el a brinda nan y ta apenas tres dominicano a yega primera base.

Di e base ey sin embargo ningun a pasa. Uno a worde saka tratando di roba segunda, un otro a keda na base, mientras cu otro a muri den un doble matanza. Dos di esunnan cu a embasa tabata mediante base por bola y e otro pa un error di e primera base arubano.

Cu e tin calidad pa haci bon papel internacionalmente, e hoben lanzador Sam Jacobs a proba un biha mas. Den e promer inning el a poncha dos dominicano, den e segundo uno, den e tercer uno, den e quinto tur tres, den e sexto dos, den e septimo uno y den e noveno dos pa un total di diesdos.

E dos promer carreranan di e novena arubana a worde anota den e segundo inning. Despues cu e pitcher dominicano Rafael Garcia, un derecho cu bon velocidad, a domina e promer tres peloteronan di aruba den e inning inicial cu tres rolling den cuadra, e ta habri e segundo inning proponiendo ponche na cuarto bate Eric Ponson. Roly Wout ta embasa luego pa error di primera despues desconecta roller pa shortstop. Julio Hazel ta sigi cu e promer hit di wega, un tribyte den rightcenter pa empuha Wout cu e promer carrera di wega.

Philip Freedom luego ta conecta fuerte line di hit den leftfield empuhando Hazel cu carrera number dos. E siguiente dos bateadonan ta sali cu fly den leftfield y roller pa segundabase.

Den inning number cuatro Aruba ta aumenta su ventaja cu dos carrera mas. Eric Ponson ta habri embasando door di mal tiro di e shortstop Benito de la Cruz. Roly Wout tambe ta embasa pa error di e tercera base. Despues cu Hazel ta poncha, Philip Freedom ta liga incogible den rightcenter empuhando Eric Ponson. Roly Wout cu a sigi ta tercera base y ta amagadi sigi pa home. Tumando e tiro di centerfield, shortstop De la Cruz ta lanza rapidamente pa home tratando di wanta corredor na tercera. Pero su tiro ta demasiado halto y ta net esey ta permiti Wout sigi pa home e ora cu carrera number cuatro pa Aruba.

Den e quinto inning Aruba ta logra dos hit mas contra di pitcher Garcia, mientras cu den e dos inningnan, septimo y octavo, cu pitcher revelo Milcie Borge ta lanza e toletoronan arubano ta logra tres hit mas.

Mientras tanto pitcher Sam Jacobs tabata colga cerotras dice-

ro pa evisitante. Pitcherganador tabata logicamente Sam Jacobs, kende no a permiti hit ni carrera poncha diez dos y regalados base por bola.

Pitcher perdedor tabata Rafael Garcia, kende a lanza seis inning completo, ricibi cinco hit, poncha seis, sin regala base por bola

pa cuatro carrera. Pitcher relevo Milcie Borge a lanza dos inning sin permiti carrera, ricibiendo tres hit y sin regala base por bola.

Den ofensiva a destaca pa Aruba Julio Hazel y Philip Freedom cada uno cu dos hit den cuatro turno, mientras cu Freedom a empuha dos di e cuatro carreranan.

Sto. Dom. 000 000 000 0 0 5  
Aruba 020 200 00x 4 8 1

## KLOMPEN KLUB



Ta presenta:

e famoso artista di Radio - TV - Night Cubs y Broadway Shows.

### JUNE VALLI

for di 23 di maart te 5 di april.



Show ta cuminsa 9.30 p. m.  
Klompens Klub ta abrie di 7-2 p. m.  
Reserva bo mesa na tempo jama: 2250

hotel CASINO  
**aruba**  
CARIBBEAN.

Servicio excelente.  
Cushina primera clase.

## DIRECTIVA NOBO DI POVA


ORANJESTAD, 21 maart.- Durante di un reunion general di Politie Onspannings Vereniging Aruba un directiva nobo a worde eligi, den cual comisario C.A. de Jager a worde reeligi como presidente. E otro puestonan a worde parti como lo siguiente: vice presidente N.A.G. Vermeer, secretario C. Brinkens, segundo secretario B. Wanga, tesorero H. van Rooyen, segundo tesorero H.G. Tuinenburg, comisario di material senor A. Hijmering y senjornan J.W. van Steenis, N.A. Isidora, L. Lebacke y J.H. Isidora como e otro comisarionan. E programa di POVA pa simannan venidero ta yen di hopi actividad:

dia 25 venidero pelicula pa mucha, segundo Pasco, picnic pa

familia, e pelicula "Pyama Game" completo cu Doris Day pa teeners dia promer di April, un anochi di domino dia 8 di april y klaverjassen dia 15 di otro luna. Y como ultimo tin bridge ariba programa padia 22 di april. E sector aki di actividadnan lo ta acargo di senor Kooistra.

## Enorme interes pa recepcion Radio Kelkboom

ORANJESTAD, 23 maart.- Diabierna ultimo a tumá lugar den e studionan nobo di Radio Kelkboom den Emmastraat na Oranjestad un recepcion na ocasion cu ta diez anja pasa cu senor Carlos Kelkboom a cuminsa cu su transmision commercial radical na Aruba. Den un estudio yen di bunita boeketnan di flor senor Kelkboom a ricibi un enorme cantidad di felicitacionnan for di



DEN CADA BLEKI DI VERDURA DI LIBBY'S BO TA HANJA, BUNITEZA, SABROSURA Y ALGO MAS..... INEXPLICABLE.

NAN TA WORDE EMPAQUETA NA UN MANERA PA CONSERVA NAN SABOR FINI. NAN TA WORDE CULTIVA DEN JARDIN SELECTA PA DUNABO DE LO MEJOR.

ASINA FACIL PA PREPARA Y ASINA NUTRITIVO.



## N.V. Winkel's Handel Mij.

personanan di nos comunidad. Durante e anochi aki e copa pa e campeon di volleyball toernooi, obsekia door di directiva di Radio Kelkboom na ocasion di e decimo aniversario di e emisora, a worde entrega.

## Entregamento diploma di bendemento

ORANJESTAD, 23 maart.- Diabisa ultimo a tumá lugar na Trocadero, entregamento di diplomanan na esnan cu a graduapa e curso di Bendemento y Boekhouden di St. Gerardus Cursus na Aruba. E diplomanan a worde entrega door di director W. de Rooy, den presencia di presidente di Centrale Aruba frere Theodorus

y senor W. H. Finck, maestro di St. Gerardus Cursus. Promer cu entregamento di diplomanan, director a gradici presidente di Camara di Comercio y secretario di organizacion di Comercio y Industria pa nan presencia na e examen di Bendemento.

Diplomanan di Bendemento a worde entrega na D. Tromp, O. Tromp, C. Henriquez, C.Z. Henriquez, Y.M. Smolders, D. Gaari y H. Koolman, tambe H.L. Oduber.

Diplomanan di Boekhouden a worde entrega na E. Fafaël, H. Tromp, J.P. Croes, H. Croes y J. Quijada.

## Subasta di carta di sra. Kennedy

Un carta di senjora Jacqueline Kennedy a trese na un subast na New York 3000 dollar cas 5,500 florin Antillano.

E carta di 4 vel senjora Kennedy a scribi na 1955, tempu cu e esposo tabata senador, pa senor Ronald Munro den e ciudad ingles Birmingham, cu a lagele cu miho e mandele 20.000 dolares di haci un fiesta manecorant ta anuncia.

Tambe Fanny 's Shop ta apoya e accion "No kap matanan". Esaki a worde demonstra door di un bunita mata di flamboyen cual algunka ki a worde kita pero e mata mes no a worde gekap, door di cualawore ta forma un adorno pa Fanny 's Shop y un adorno pa Shopping Centre di Aruba.



# WIN YOUR EASTER BASKET

**Sponsornan ariba pagina 5, en cooperacion cu "Arubaanse Courant" ta regala diesdos macuto di Pascu na nos lectores!**

**Simplemente jena bo number y adres den e cuponnan y manda nan pa redaccion di "Arubaanse Courant"**

**12  
MACUTO**

**di "PASCU  
GRANDI"**



Cuponnan

ta worde

accepta

te dia

26 di Maart 1964



## REGLANAN P'E CONTEST

Corta e cuponnan di "CONTEST DI PASCU GRANDI" cu ta ariba pagina 5. Jena bo number y adres ariba cada uno. Manda tur e cuponnan aki pa redaccion di „ARUBAANSE COURANT,, Nassaustra 85 Oranjestad.

Bo por manda nan pa post of entreganan na nos oficina. Cuponnan por worde entrega te cu dia 26 di maart 1964. Dia 27 di maart un jurado lo saca 12 ganador (uno pa cada sponsor) pa medio di loteria.

Ganadornan lo worde notifica den e corant aki. Nan MACUTO DI PASCU GRANDI lo worde entrega na cas diasabra 28 di maart.

Tur hende por participa. Desicion di Huez ta final.

Bo no ta obliga di haci ningun compra, of haci ningun gasto. Cada familia por gana solamente UN macuto.


Empleadonan di „Arubaanse Courant,, no mag participa den e contest aki.





Number:  
Adres:

**Kan N.V.**  
*Bo joyeros desde 1918*



**Les a  
detalles  
ariba**


**pagina 4**

**yena bo**

**cuponnan**

**awor**

**mes y ...**




Number:  
Adres:

**Aruba Distilling Co.**  
Wilhelminastr. 47 - tel. 1266  
**RON REY DE COPAS**  
mas calidad - mas premios.



Number:  
Adres:

**Ragunath N.V.**  
joyeria  
Oranjestad - San Nicolas  
agente di: **MULCO**  
La Marca De Confianza.



Number:  
Adres:

**ARUBA CANDLE**  
Ta recorda pa spaar botter-  
nan di **SUPERPINE**  
Etiket berde y gana un T.V.  
pa mas informacion tel. 1958



Number:  
ADRES:

**Titi Davelaar Corporation**  
Windstraat, 42 (dianta hospital)  
agente pa: **Firestone**  
simbolo di calidad y servicio




Number:  
Adres:

**Firma Jan C. Lucie**  
sta Cruz Bar - tel. 1048  
agente di **"Ron Condessa"**  
e ron cu ta conquistando Aruba



Number:  
Adres:

**Wimco**  
agente di:  
**GENERAL ELECTRIC**  
e marca di bo confianza y  
garantia.



Number:  
Adres:

**ELMAR**  
Reddy Kilowatt  
Bo servidor semper!



Number:  
Adres:

**Banket Bakkerij  
P. Harsveld**  
Windstr. 40 - tel. 3322  
Solamente productonan di calidad!



Number:  
Adres:

**La Esperanza N.V.**  
Oranjestad - Pos Chiquito.  
E supermercado mas  
potente di Aruba.



Number:  
adres:

**Viana Auto Supply Co. Inc.**  
e agencia di auto mas bieuw di Aruba



**Gana un  
macuto di  
Pascu!**





Esaki ta e jegada di e prome contingente di militarnan Canadiense pa e forza policial di Nacionnan Uni riba e isla Chipre.

lo Norte na pia. E li homber ta bou di direccion dje instruccion di 25 anja di ski di ehercito di Noruega Bjorn Stalb. Tur ta militarnan bon entrena. Nan tin cien cacho cu ta hala slee. E distancia ta worde calcula riba 2400 km, riba cual e viaheronan ta pensa di haci 10 siman. Foi dje expedicion di almirante Peary na 1909 nan no a haci mas viaha na pia pa Polo Norte.

## Piloto Welch ta hanja libertad

JELSTEDT, 23 maart.- E piloto teniente Mericano Harold Welch a keda den libertad. El a wordu transporta cu un ambulance Mericano dje hospital militar Russo na Alemania Oriental pa Alemania Occidental. E piloto aki a keda detene foi 10 di maart pasa na Maagdenburg ora cu e avion di reconocimientu den cua tabatin tambe dos otro Mericano a wordu intercepta riba teritorio di Alemania Oriental. Welch, a cai den un palu ora cu el a baha dje avion na un paracaida, y a kibra un pia y un brazu.

Miembronan dje servicio medico Mericano por a bishite e ultimo dianan aki. Welch tin 24 anja. Huntu cu ne tabatin den e avion dos otro oficial Mericano capitán Nelvin Kessler y David Holland cu tin respectivamente 30 y 35 anja. E Rusonan te ainda no a participa, cu nan a cohe esakinan presu. Occidente no sa ainda unda nan ta.

Segun testigonan nan ta ileso. Di otro fuente a ser anuncia cu e otro dos miembronan dje tripulacion dje avion RB-66 intercepta lo keda detene den caserna Sovietico na Alemania Oriental. E delegado Mericano Stoessel na Moscu awe a bisa cu Rusia ayera noch a contesta riba e nota Mericano di di rason pasa den cua nan a bisa cu detencion dje tres pilotonan Mericano lo trece e relacionnan mutuo den peliger, pero cu e contesta aki no ta satisfactorio. Nan no a anuncia nada tocante un eventual entrega djetres Mericanonan door di Alemania Oriental.

## Mexico a sali campeon

CIUDAD DE MEJICO, 23 maart, E torneo pre olimpico tene na

## BIBA MEHOR CU ELECTRICIDAD

for di mainta trempa te anochi laat REDDY ta na bo servicio.



ciudad De Mejico a worde gana pa Mejico, door di cua e pais aki lo sali den e torneo final. Mejico a gana ne ultimo dia cu 2-1 (na half time 1-0) di Merca. Ne di dos luga ta keda Surnam, cu ayera a bati e equipo di Panama cu 6-1. Na havetime Surnam tabatin 3-1. Na di prome a keda Mejico. Di dos Surnam di 3 Merca y di 4 Panama.

Na Francia tabatin u. huelga serca e servicionan publico siman pasa. Tampoco tabatin transportacion, asina cu hopi civilnan di Paris mes ter a bai nan trabao den vehiculonan militar.

# Cambodja kier reunion conseho di seguridad

PNOMPENH, 23 maart, Principe Norodom Sihanouk, hefe di estado di Cambodja, kier undeliberacion inmediato door di conseho di seguridad di Nacionnan Uni, tocante kehonan di Cambodja contra Merca y Vietnam del Sur en relacion cu e atake di diarazon pasana e luga Cambodja di frontera -- Siantrea, segun a ser informa awe na Pnomphen. Principe Sihanouk a pidi pa un reunion dje conseho di seguridad den un carta pa e secretario general Oe Thant. E hefe Cambodjano di estado tembe a manda cartanan pe prome minister Sovietico, Chroesjef y president De Gaulle di Francia. E ta pidinan pa insisti cerca Merca y gran Britania di bai di acuerdo pa tene un conferencia pa segura neutralidad y inviolabilidad di Cambodja. E principe tin idea tambe di pidi Merca y Vietnam del Sur pago pa danjo causa pe atake riba Siantrea y otro violacionnan di frontera. Ne atake 17 Cambodjano a muri.

## Cassius Clay a cambia number

NEW YORK, 23 maart, Llama mi en adelanto Mohamed Ali y no Cassius Clay. Esaki Mohamed Ali ta un nombre Arabe - masha bunita. Mi llama awor Mohamed Ali. Campeon den clase completo - y door di esaki campeon mundial di boxeo, segun Clay a bisa periodistanan na New York. El a duna e declaracion despues di a tende cu e autoridadnan militar Mericano no tabata hanjele adecuada pa servicio militar obligatorio. Clay a participa, cu su preparacionnan ta un viahe rond di mundu. Pero prome cu e sali e kler tin un pelea na Merca. Como posibel candidatonan pa un encuentro el a llama Liston, ora cu esaki ta restableci, Ernie Terrell, Doug Jones y Eddie Machen.

## Anochi di pasion pa trupialnan

ORANJESTAD, 23 maart.- Como preparacion pa e fiesta di Pasco Grandi, e Trupialnan Aspirant-Seniores y Seniores lotene un anochi di Pasion awe nochi. E anochi ta cuminsa pa seis or y mei y ta caba banda y nuebe or.

Gobierno di Vietnam del Sur a protesta fuertemente contra interceptacion dje avion di Vietnam del Sur, cu segun Cambodja a bombardea Siantrea, segun e ministerio di asuntunan exterior di Vietnam del Sur a anuncia den un comunicado. Segun e comunicado e avion a cai na 4 kilometer leeuw dje frontera cu Cambodja riba teritorio Sur Vietnamese y nan a mira riba pantalla di radar di Vietnam del Sur e avion cu a viola e frontera y seis minuut despues a regresa Cambodja.

## Delegasion Hulandes pa conferencia di comercio mundial

DEN HAAG, 23 maart, Dje delegacion di reinado, cu bou di direccion dje minister di economia, profesor Dr. Andriessen, lo participa na Ginebra na e conferencia mundial di comercio cu ta cuminsa awe, ta participa como representante ministerial. Secretario di estado di asuntunan exterior Dr. Diepenhorst, minister di asuntunan economico di Surnam, señor Soemidhardjo, y e embajador extraordinario y minister plenipotenciario di Surnam Mr. Emanuel. Como representantes civil ta forma parti dje delegacion Dr. Herinck, representante dje reinado cerca e conferencia mundial y Dr. Kaufmann, representante permanente na Ginebra.

Den number di Antillas ta delega, señor Henriquez, como conseheronan special ta sali e miembronan di Eerste Kamer. - Mr. Delprat, Mr. Campen, señor Kapteijn, y miembronan di tweede Kamer Drs. Peschar, Dr. Th. Westerterp, Ir. O. Oldenbanning, señor Roolvink, y Dr. Van Der Mei y tambe Drs. Rom Colthoff, secretario dje Asosacion di contratistanan Ulandes, Drs. Van Der Meer secretario dje asosacion di contratistanan protestante catolico na Ulanda, senjora Van Tilburg, miembro di direccion di N.V.V. Dr. Albeba, miembro di direccion di C.N.V. y señor Zikel, secretario di asosacion di groot-handel Ulandes.

## Expedision pa Polo Norte

OTAWA, 23 maart, Un grupo di Norwechi, a sali di Isla Alert "Ellesmete, na e punta Noord di Canada pa trata pa pasa Po-







## Apelacion na Barcelona

BARCELONA, 23 maart.- Na Barcelona e fiscal a apela contra sentencionan cual a wordu haci dialuna pasa tocante 4 Mericano un muher Britanico y un Spanjo pa motibu di asesinato riba un comerciante Spanjo. E fiscal ta anja e sentencionan cu ta varia 30 anja pe Mericano James Wagner te seis anja y un dia pa oan Bryden cu ta di Escosia, contra e reglanan di justicia. El exigui pena di morto pa Wagner.

## E conflicto entre Merca y Panama

WASHINGTON, 23 maart.- President Johnson a haci un peticion a solucion a kestion di Panama. Tambe el a bolbe duna expresion e deseo di Merca pa trata cada problema o dificultad entre edos paisnan aki di nobo. E president a haci e peticion aki en un carta pa president dje organisacion di estadonan Mericano y a papia tocante e desaroyo un reunion cu periodislanan den Casa Blanca. Den su carta e president a bisa, cu e ta dispuesto di mandarinmetamente undelegado special pa Panama cu instruccionnan pa han-

ja un solucion, cu lo ta honorable y justo, tantu pa Merca como pa Panama, y cu ta somete tambe ne constitucionnan y proceduranan di ambos pais.

E president a admitti den su carta cu situacion no a cambia y cu Merca no por acepta condicionnan di antemano pa asina por sinta na mesa di conferencia.

Johnson a bisa: Nos ta dispuestu, pa soluciona cada kestion cu ta separa nos y conferencia tocante cada problema cu gobiernu di Panama. Nos ta dispuesto di haci esaki na cual kier momento, segun e president Mericano.

## Comercio den cadavernan

BRUSSEL, 23 maart, Cuanto tempo mester pasa promer cu cada-ver lo por bira un obheto di arte? E pregunta aki a worde haci na e husticia Belgo, cu ayera a interveni den Brusel pa stroba benta di un momia di tres mil anja -- bieuw.

Ley Belgo ta prohibi comercio den cadavernan. Door di esaki polis a interveni ora cu nan a ofrece e momia di venta na un subasta. E maestro di subasta y donjo dje momia ta considerele como un obheto di arte. Por lo pronto nan a warda e momia riba orden di justicia Belgo den un kelder.

Carol Divin, e schaatsdor Checo cu a sali ter-cero na e campeonato mundial na Dortmund, a contrae matrimonio na Praag cu srta. Olga Reinisova, un conocida deportista di Brno. Riba e portret aki por mira e pareha feliz ora cu nan tabata sali di misa.

## CUMPLEANJOS

Dia 22 di Maart a cumpli anja Jenny Naranjo, felicitacion ta bini di su mama Rubi, tata rumannan Lenny, Rosario, Franklin, tantanan, prima y primonan especial di Joslin Maduro, di Ada, Ria, Bichi Maduro, Ineke y Cadir Lampe, Miriam Cecilia, Wini, Fi, Wolti, Chino, Mayra, Luchi, Marlin Everon, madrinan Carolina Maduro, Susana Maduro, amiganan di 9de klas Maria College y demas famia Maduro, Lampe, Everon, Naranjo, Croes, tio y tianan na Venezuela, y famia Solano na Margarita.

Dia 21 di maart a cumpli 21 anja Señora Bernadeta Stamper, felicitacion ta bini di su esposa

cana bay. "Cualkier caminda, mi mester haya un lugar, unda cuta, no preocupa pa mi, ganadero". "No Ina bo ta keda akinan, dia cu bo a salba bida di mi nieta mi a duna bo mi palabra, cu akinan bira bo cas. Y mi ta keda tene mi palabra. Mi no sa bo pasado, pero mi no ta kere cu bo por a comete algu malo, sin ningun motivo. Kizas bo confianza den mi, ta suficiente pa bo contami tur cos. Lo mi keda spera. Bo amata un hende, pakiko mi no sa. Pero bo a salba bida di un otro hende, riskando bo mes den Dios no sa, pakiko el a laga tur e cosnan ey pasa". Ina a corre coy su man tene y a primé na su lipnan. "Hamas lo mi lubida bo bondad, ganadero, mi ta gradicibo", el bisa poco poco y despues el a sali corre bay. E ganadero a keda mire y despues el a dirigi su mes na Gertruida. "Mi ta exhi pa bo sali awe mes for di akinan, Hende cu ta haci redo, no ta pertenecé akiden". Gertruida a cumenza hari. "Esey lo duelo ganadero. Lo mi percura pa tur hende haya tene, cu e futura esposad ganadero Schwende, ta un matadol". Somenta, hasta esey no ta cambia mi decision. Bay libé, mi no por soporta bo mas akinan". Poco poco e ganadero a cana bay. Dianan largu Gilbert tabata entre morto y bibo, y Ina no ta mof di

## TELEARUBA

- 05.30 Cartoons
- 06.00 Panorama Pan Americano
- 06.30 Annie Oakley
- 06.45 Papiamento Newscast Live & Filmnews
- 07.00 The Flintstones
- 07.30 Information Amstel
- 07.45 I Love Lucy
- 08.15 Have Gun Will Travel
- 08.45 Viana's Latest News
- 09.00 Dutch Film
- 10.00 Sign Off.

## RADIO CARACAS TELEVISION

- 8.45 Senderos de luz
- 9.00 Cajas con sorpresas
- 9.30 Jardin de infancia
- 10.00 Documentales
- 10.30 Cosas de mujeres
- 11.15 Quien es quien en T.V.
- 11.45 Novela
- 12.00 Show de Saume
- 13.00 Noticias
- 13.05 Cont. Show de Saume
- 13.15 Se necesita una amiga
- 13.35 Novela
- 13.50 Yo se lo vendo
- 14.20 Punto y aparte
- 14.45 Estudio Hector Monteverde
- 15.15 Perfecta ama de casa
- 15.45 Aventuras de Popeye y Yeyo
- 16.15 Mejias y sus muchachos
- 16.45 Besque su marca
- 17.15 Comedy Capers
- 17.45 Noticias
- 17.50 Papa lo sabe todo
- 18.30 Extraño mundo del Pantano
- 19.00 Revolver a la orden
- 19.30 Nuestra Peggy
- 20.00 El Observador
- 20.15 Novela
- 20.30 Craneoteca de los genios
- 21.00 Pánico
- 21.30 Las enfermeras
- 22.30 Noticias
- 22.35 Cine para todos

Poly Stamper, mama Juliana, tata Jacob Harms, 11 rumannan, swanan, omo y tantakan, primo y primanan, wela, suegra Francisca, suegro Andres Stamper, amiganan y demas famia Harms, Stamper, Thijzen y v/d Biezen.

Awe dia 23 di maart ta celebra su feliz cumpleaños, hobencito Benito Pedro Leon, felicitacion ta bini di su tata Boel, mama Nini, rumannan Josefa, Maria, Luisa, Lindo, Nona, Silvia, wela Anita Geerman, su ruman Dolita Geerman, wela Abraham Leon, madrina Graciela Geerman, omo Daniel Geerman, su ruman Doli cu ta mariniers na Aruba, amiguitonan di Sint Jan School na kadushi largo, su estimado meneer di school Mech Croes y demas famia Leon, Geerman, Kelly, Ras, van der Biezen y di Aquiles Navas.

su banda. Pero despues el a cumenza mihora y e dokter a declará cu ya no tin peliger mas. E anochi ey Ina tabata sinta na su man atrobe, el a drecha su cusiñchianan y ora el a jamé bon nochi, el a zak sunchi Gilbert su boca. "Pasa bon nochi, Gilbert, y priminti cu pronto lo bo bira bon". Cu wowonan brillante Gilbert a keda mirá. "Si Ina mi taprimintibo, t maske bo casa cu mi tata, lo mi no rabia cu bo Ina", el a bisa serio. "Danki", Ina a contesta. El corre sali, pasombra e no tabata kler pa Gilbert ripara su wowonan a jena cu awa. E siguiente mainta Ina notabata eynan mas. El a skirbi un carta largo pa e ganadero, pidiendo pordon, pero e no por a haci otro cos. Keto e ganadero ta sinta banda di e kaba di su jiu, maske nan curazon tabata mordi, toch nan mester admitti cu Ina tin razon. Pasombra ya caba e hendenan a cumenza papia, loke Gertruida a bay conta y poco poco tur cos a bolbe bira normal na e cas di Schwendenan. Solamente Etel ta jora tur ora, pa e bolbe mira su tanta stimá. For di dia cu Robert a bay, a bira keto na e castillo di Branden nan. E Conde tabata pasa mayoria di su tempo den su kamber. E partida di su unico jiu homber, a sintié hopi, mas ainda pasombra -

## AGENDA

ARUBAANSE COURANT  
diariamente cu excepcion di diadomingo  
suscripcion f. 3,25 pa luna edicion los 20 ct.  
edita pa:  
N.V. ARUBAANSE DRUKKERIJ  
- en UITGEVERS - en PUBLI-CITEITS MIJ.  
imprimi na:

N.V. DRUKKERIJ  
„DE STAD,,

Telefoon 1116 Directiva y redaccion, 2116 Anuncio y suscripcion.  
Directeur hoofdredacteur:  
D. Wolff.

POR CUMpra ARUBAANSE COURANT NA E SIGUENTE LUGARNAN:

NA ORANJESTAD:  
BOEKHANDEL MARISKA.  
PIET SODA FOUNTAIN.  
REFRESQUERIA INGRID.

NA SAN NICOLAS  
NICOLAAS STORE.  
UNION STORE.

## CINE

De Veer: 8.30 p.m. "H.M.S. Defiant" all  
Rialto: 8.00 p.m. "The Counterfeit Traitor" 18 j.  
Principal: 8.00 p.m. "Gypsy" 18 j.  
Aurora: 7.30 p.m. "Suicidate mi amor" 18 j.  
Savaneta: 8.00 p.m. "Nine Hours to Rama" 18 j.

## DOKTERNAN NA WARDA

Oranjestad-Noord: Dr. A. Janssens.  
San Nicolas-Sta Cruz-Sav: Dr. J.G.H. Janssen

## BOTICANAN DI WARDA

Oranjestad: Botica del Pueblo  
Tel: 1253-2154  
San Nicolas: Botica San Lucas  
Tel: 5119

## AMARGA EXPERIENCIA

Novela pa

### Pancho Papa la Poncha Pi

No. 28.

Naturalmente bo no ta keremi, pasombra abo mes taloko su trasí en a bisa bo cu Gilbert a cay? Bo ta posibel cu el a wordu pusha? Kizas e no, tabata kler, pa Ina usa cu bo, kizas Gilbert tabata robele. Segun mi e ta capas di cu cualkier cos malo! "Sera bo boca, canalla!" e ganadero a tité. "Bo no por serra bo boca ashi?" "Si, si sigui defendé bina, Gertruida a sigui bisa. "Bo no sa ta ken bo a trece den e cas? No bo no sa, pero ami si. Puntre si no ta berdad, cu el worde serra! Puntre si no ta berdad, cu el a mata su mes jiu. "Umber! E no por nenga esey!" "No...no", esey ta tur loke e ganadero por a bisa, tur costabata sina increibel y desesperá. Poco poco Ina a hiza su cabez, y su para a keda serio. "Mi ta comendebon masha bon, Sra Gertruida. Bo ta bringa cu tur sorto arma pa e homber cu bo kier conquista". Poco poco el a hiza curpa y ningun hende por a

supone con trabou a costé pa domina su mes. "Si, ganadero, mi tabata será, y tambe mi a mata mi jiu". E ganadero a sinti un dolor na su curazon y el a pone su moketanan riba Ina su schouder. "Mi no ta kere, no, mi no ta kere. Pakiko bo a haci esey? Asina malo bo por ta anto? "Ma-lo?, mi ta mal hende anto? "Ina a puntra poco poco. "Mi ta haciele pa amor". Mata pa amor?, Gertruida a bisa cu bofon. "Esey si ta un declaracion stranjo no?" Bruto Ina akedamiré den sucara. "Lagami los ganadero". Su stem tabata zona frieuw y riba su cara tabata tin un orgullo indecible. "Mi no debo ningun splicacion, pasombra mi no a duna bo mi palabla. Mi no a conta boso nada di mi pasado, pasombra Gilbert a nani e derecho pa keda keto. Mi tabata masha feliz akinan ganadero, y mi mester gradicibo. Pero awe mes lo mi baydi akinan. "N ainda bo tabay?", e ganadero a bin para su dilanti, pa e no

su speranza no a worde cumpli; Robert no a bolbe, manera el a pensa promé, pero al contrario. For di informacion cu e Conde a haya, parce cu Robert a haya un bon trabou, y maske su salario no ta permitié pa biba na grandi, toch e por sostene un famia chikito. Annie a percura pa e no papia cu su tata riba Robert, pero a yega un dia cu e no por a wanta mas. "Papa, mi ta pidibo permiso pa mi bay Robert su bruid". "Mi a tahabo caba, pa no pronuncia e number ey", e Conde a contesta indiferente. Pero Annie a keda miré trankil. Robert ta mi ruman papa, y bo no por ordenami pa mi lubidé. No papa, mi ta bay su bruid, cu of sin bo permiso. Y ademas di esey Jean ta mi amiga, y e ta un bon mucha muhé. Robert lo bira feliz cu né. "Pa un rato tur dos a keda keto, despues e Conde a lanta su cabez poco poco. "Asina leeuw a jega anto....." "Robert ta bay casa cu e mucha muher ey. Ta asina hopi e ta stimé anto? E porta stimé mas hopi cu e ta stima su number orguloso?" Su voz tabata tristo. E no ta comprende e mundo aki mas, tur cos a bira stranjo pé. Annie a corre bin para banda dje. Cu ternura el a pega su cara cu esun di su tata. "Papa....laga nos dos bay, lota e regalo di mas bunita cu Robert lo haya. E ta sigui...



**RIP KIRBY**

pa cortesia di:

**JAN BODEGOM & CO (ARUBA) N.V.**Agente exclusivo di **FRIESCHE VLAG**


lechi evaporado y lechi en polvo

**MAXWELL HOUSE KOFFIE.****CISCO KID**

pa cortesia di:

**ARUBA BOTTLING COMPANY**

NESBITTS den varios sabor, e refrescan mas pidi y mas gusta nã Aruba.



**BUCHI ROBEZ****PEPITA**

with compliments of

**OFICINA MARITIMA DE ARUBA**

DOCUMENTATION &amp; TRANSPORTATION

FOR INCOMING, LOCAL &amp; OUTGOING CARGOES BY AIR, SEA AND LAND

**DICK TRACY****Horoscopo personal**

ARIES 21 maart - 20 april.

Pone atencion loke bo ta haci awe especial pa bo propio interes y p esun di bo famia, Awe por sosod algun cos agradable na cas of trabao.

TAURUS 21 april - 21 mei.

Bo planan y ideanan ta mihor cu di otronan awe. Tambe awe ta bon si bo hala atencion di bo superlornan y relacionan importante ariba bo trabao.

Pa talisman, Perfume, Incensio, Perfume pa banja y laba cas tambe bela di tur color, a-cudi na

**„NICOLAAS STORE,,**

Tel. 5385 - San Nicolas.

GEMINI 22 mei - 21 juni.

Haci tur bo posibel awe pa re-lisa planan cu bo por tin. Es lo ta na bo propio bienestar bo futuro.

LEO 24 juli - 23 Agosto.

Tene hopi cuidao awe cu asunto nan di trabao y personal. Anochi ta masha agradable y lo dunabo diverticion.

VIRGO 24 Agosto - 23 September

Percura pa bo no hanjabo den situacion dificil awe. Studia asunto nan y proposicionan financiero bo promer cu bo tuma desicionan, especialmente den e oranan di anochi.

LIBRA 24 September - 23 Oktober

Loke sosode awe ta muestra di ta na bo favor tambe lo bo por ricibi bon noticia awe.

CANCER 22 juni - 23 juli.

Tambe awe por ta un dia yen asunto nan menos agradable, es por exhi hopi di bo propio dominio. Anochi lo mehora.

SCORPIO 24 oktober - 22 November

Sea carta of telefoon por tre noticia awe pabo, y lo por resolve algun problema. Atardi no mucho bon pa bo confia otronan.

SAGITTARIUS 22 november - 21 december.

Asuntunan di placa cu otronan desuntonan en cuanto cuenta y otronan bo por mehora cu awe.

CAPRICORNUS 22 december 2021

Permiti pa otronan haci bo loka bo reservacion cu bo tin normalmente. Pone accento ariba operacion y sea objetivo.

AQUARIUS 21 januari - 19 februari.

Equibocacionan por tuma lugar ariba tereno awe. Asina pone atencion. Bo trabao normal tin mester di tur bo atencion awe laga nada desviabo.

PISCES, 20 februari - 20 maart

Un bon periodo pa bo cumpli realisa e deseonan di bo curazon. Loke bo haci na bienestar di cas y bo famia lo hanja gran precio.